

平鄉縣志卷一

平鄉縣知縣靈川蘇 性禾村纂輯

教諭霸州吳曾榮沛生

參定

訓導常山呂有志荔菴

斗樞 辰 胃昴畢

按九州之地或繫北斗或繫五星或繫二十八宿所謂星之與土以精氣相屬也考北斗第一星曰樞為冀州主星縣在禹貢冀州之域故於斗主樞五星當中一星曰辰主燕趙代縣趙地故于五星屬辰二十八宿中昴畢為趙分

平鄉縣志

卷一

天文

二十五

野月令章句自胃一度至畢六度為大梁之次帝王世記自胃七度至畢十一度為大梁之次晉書天文志鉅鹿入昴三度趙郡入畢八度明史天文志胃四度至畢六度廣平順德皆昴分平鄉距郡僅八十里其當主昴星無疑若胃與畢則其所自所至之度也

災祥 附

漢光武建武十五年有星孛于昴獻帝建安五年亦如之

後帝建興十五年秋七月大水舊城壞

晉愍帝建興二年大饑

穀二升銀一斤
肉一斤銀一兩

成帝咸康二年又

饑粟二斗
銀一兩 穆帝永和六年太白入昴

宋文帝元嘉六年月行掩昴

唐明宗天成二年大有斗粟十錢

宋太祖建隆元年大水漳河決平地深二丈真宗大中祥

符年徙縣城卽今治仁宗慶歷三年雨赤雪

金主亮正隆五年十一月癸卯夜有白氣入危昴間

元世祖十八年閏八月庚戌太陰掩昴二十年二月庚寅

亦然十月丙申太陰又犯昴仁宗延祐三年秋七月巳

亥至治元年十二月庚戌二年正月丁丑亦如之順帝

平鄉縣志

卷一

天文

二十六

元統二年雨毛如線至正二年饑三月發鈔萬五千錠

賑之明洪武元年正月彗見昴畢之間成祖永樂二年

遷山西民來附籍憲宗成化八年大饑人相食十八年

大水入城漳河東徙孝宗宏治十四年九月地震有聲

武宗正德七年劉六劉七大掠縣境八年黑靑見世宗

嘉靖九年蝗大疫民多死十年星隕如雨十四年大水

九月有星如斗後列群星百數自西北流入東南頃之

天鼓鳴十五年十月星隕如雨地震有聲三十二年正

月元日晝晦如夜秋大饑人相食四十二年秋大水平

地丈餘室廬盡漂四十五年大饑發帑粟賑之神宗萬
歷三十年漳河徙入滏陽熹宗天啟二年至六年地皆
震大水漳滏沙洺皆溢懷宗八年大水漳河東徙始濬
小漳河十三年大旱數月民相食十四年又饑草根樹
皮皆盡婦人挿草自鬻至有骨肉相食者疫賊並作僵
尸滿野十五年大赤風天赤如血石獅生白毛十七年
晝常晦大風霾上丁祭不克成禮

國朝順治元年六月土寇陷城大水入郭八月寇平三年六
月天鼓鳴五年大水郭門六敵樓皆壞自縣境舟行直

平鄉縣志

卷一

天文

二十七

達京師秋地震十二月山東土寇至常河鎮城守戒嚴
六年境內八橋皆拆斷阻水爲固寇縛桴宵濟將犯城
適順廣道遣兵迎擊大敗之殺溺死者數百七年冬河
水凝如花九年至十一年皆大水十二年夏麥秀兩歧
十三年三月天鼓鳴于西北十六年三月大雪康熙二
年八月地震十月水渰麥苗三年夏無麥四年秋大水
七年六月地震九年正月辛巳早雪晚雷十七年七月
大雨雹十八年七月地震九月大水十九年三月饑三
十四年四月地震四十七年旱蝗大饑四十八年大饑

五十六年三月望日大黑風六十一年大旱饑雍正元
年四月初七日大風傷禾秋疫氣流行死者無數四年
蝗七月大水八月地震九年旱十一年大水乾隆二年
七月二十五日雨雹傷廬舍田禾五年三月狼豶散處
民間幼稚有爲食者七年五月二十六日至六月初五
日大熱人多暍死二十四年春夏無雨七月大水鎮西
隄決五十七年饑五十八年大饑嘉慶六年大水鎮西
隄決漂沒墳墓無數七年端午大雨雹十七年饑十八
年大饑貧民多鬻子女二十年歲大熟道光元年歲大

平鄉縣志

卷一

天文

二十八

熟疫氣流行三年大水七年三月末雨雪十年四月大
雨四日水淹麥田閏四月初五日大雨雹二十一日酉
時地震房屋多倒塌十四年七月大水城東河決城西
隄決立水勢合冲塌北關護城隄二十五年旱開倉賑
卹二十六年正月火光遍野旣而微雨始息二十八年
大饑米一斗價值二緡咸豐七年八年俱旱蝗食禾且
盡十一年六月山東邱縣土寇歲擾縣境大肆殺掠同
治元年十二月東省教匪至境二十七日陷邑城焚署
劫獄旋遁去除夕燐火遍野二年二月賊疊入境蹂躪

殆遍八九月間賊敗狂奔竄過邑境三次四年正月十
三日雨雪雷鳴聲震數百里六年六月間土寇犯境其
後往來數次殺傷多人焚民舍數百間十二月寇平七
年正月豫匪北犯橫亘數十里賊火相望分股竄擾邑
境城守戒嚴二月底匪敗回竄復經故道六月蝗蝗集城
南柴口村外寬十餘畝旋有黑雀羣集食盡七月寇平
光緒三四年俱旱 一年七月俱大雨
鎮西堤決水冲塌東關護城堤平地水深數尺十二年
倉賑卹五月惶蔓延數十村旋撲盡不爲災